



INSTITUTE FOR THE RESEARCH OF GENOCIDE  
CANADA

## **Izjava Instituta za istraživanje genocida Kanada {IGK}**

**Toronto 09. Juni, 2012.**

**U povodu sjećanja na dvadesetu godišnjicu agresije na međunarodno priznatu Republiku Bosni i Hercegovini i sedamnaestu godišnjicu genocida u Srebrenici 1995. godine, koji su ostavili duboke rane na kolektivnoj savjesti čovječanstva zbog ubijanja, rušenja i progona protiv Bošnjaka od srpskih vojnih snaga, IGK izjavljuje:**

**I}** Mnogobrojni relevantni naučno istraživački izvori različite provenijencije iz čitavog svijeta pouzdano ukazuju na dvije činjenice:

- na Republiku Bosnu i Hercegovinu je izvršena klasična oružana agresija, odnosno zločin protiv mira i sigurnosti čovječanstva, što je po osnovnom shvatanju i definiciji međunarodni oružani sukob,

- na okupiranim teritorijama nezavisne i univerzalno priznate Republike Bosne i Hercegovine, članice Ujedinjenih Nacija, kao i u gradovima u opsadi, nad Bošnjacima je izvršen najteži zločin - zločin genocida.

**II}** Taj osvajački rat prema državi Bosni i Hercegovini i njenim građanima se realizovao putem otvaranja koncentracionih logora smrti gdje su dovođeni nevini civili nad kojima su vršene razne torture i mučenje, a mnogi su i ubijeni, putem zloglasnih logora u kojima su silovane žene, putem kulturocida, ekocida, urbicida, etnocida tog namjernog i sustavnog rušenja objekata bošnjačke kulture i tradicije radi zametanja svakog traga njihovog postojanja, putem elitocida tog sustavnog i organizovanog ubijanja bošnjačke inteligencije.

**III}** Sistematski obrazac u nasilnom preuzimanju vlasti, počinjeni zločini, razmjere i obrazac napada, njihov intenzitet; veliki broj ubijenih Bošnjaka, protjerivanje, deportacija i okrutno postupanje prema njima u koncentracionim logorima smrti i drugim mjestima zatočenja, mnogobrojna silovanja te ciljni napadi na osobe ključne za njihov opstanak kao grupe (istaknute intelektualne, političke i duhovne ličnosti, te imućne Bošnjake) nedvosmisleni su dokazi o namjeri i izvršenom genocidu nad Bošnjacima sa ciljem da se oni istrijebe, to jeste da se pokuša spriječiti da se oni reproduciraju i da žive na prostorima Bosne i Hercegovine.

**INSTITUTE FOR THE RESEARCH OF GENOCIDE CANADA**

7 Southside Place, Unit 6

Hamilton, Ontario, L9C 7W6

Phone: (905) 385-3606 | [www.instituteforgenocide.ca](http://www.instituteforgenocide.ca)



INSTITUTE FOR THE RESEARCH OF GENOCIDE  
CANADA

**IV}** Više presuda Međunarodnog krivičnog tribunala i presuda Međunarodnog suda pravde, kojima je utvrđen i presuđen genocid u Srebrenici, postale su neosporne međunarodne pravne činjenice. Na osnovu tih presuda IKG konstatuje kako genocid u Srebrenici nije stvar subjektivnog određenja, on je međunarodno potvrđen i presuđen i ne može se negirati.

**V}** Postoji kontinuitet prikrivanja, relativiziranja i negiranja genocida nad Bošnjacima. Negiranje genocida ide u prilog permanentnom i kontinuiranom procesu izjednačavanja žrtve genocida i njegovog izvršioca i na pogrešan način suprotan međunarodnom pravu, daje kvalifikaciju o tako značajnom pitanju kao što je genocid, a što ne odgovara činjeničnom stanju i u suprotnosti je sa relevantnom dokumentacijom koju posjeduju međunarodni sudovi. Negiranje genocida takođe ide na ruku manipulatorima sa žrtvama genocida u Bosni i Hercegovini koji nastoje izjednačiti i izbalansirati zločine među tri naroda u Bosni i Hercegovini sa konačnim ciljem izmjene agresije u građanski rat, a zločin genocida u etničko čišćenje. Pomirenje sa ovakvom negiranjem genocida postaje nemoguće, toleranciji, priznavanju, poštovanju i prihvatanju dugog i drugačijeg kao izvora ideje Bosne i Bosanskog duha se zadaje smrtni udarac.

**VI}** Polazeći od toga da politička odluka Sudskog vijeća Međunarodnog krivičnog tribunala za bivšu Jugoslaviju može imati nesagledive, negativne posljedice za proces demokratizacije, mira i pomirenja u regionu, za istinu i pravdu u svijetu, te da ona još više umanjuje već poljuljani Tribunal koji je osnovan da osudi zločin genocida u Bosni i Hercegovini kako nebi ostavili potomstvo ljudske civilizacije u strahu od ponovnog genocida, pozivamo predsjednika Međunarodnog krivičnog tribunala za bivšu Jugoslaviju gospodina Theodor Meron da u skladu sa pravilima Međunarodnog krivičnog tribunala za bivšu Jugoslaviju, a na osnovu Konvencije o genocidu, inicira promjene odluke Sudskog vijeća koje je napravilo očiglednu tešku grešku kada je ocjenilo da nema dokaza van razumne sumnje za krivično djelo genocida u sedam općina u Bosni i Hercegovini.

**VII}** Međunarodna zajednica i osnivač Vijeće sigurnosti Ujedinjenih Nacija su odgovorna za rad Međunarodnog krivičnog tribunala za bivšu Jugoslaviju koji je osnovan zbog ratnih zločina, zločina protiv čovječnosti i zločina genocida u Bosni i Hercegovini. Idejni tvorci i realizatri tih zločina su Slobodan Milošević, Radovan Kradić i Ratko Mladić. Ukoliko Žalbeno vijeće Tribunala potvrdi oslobađanje tačke genocida za Karadžića u sedam opština u Bosni i Hercegovini, smatramo da je to kraj Međunarodnog krivičnog tribunala za

INSTITUTE FOR THE RESEARCH OF GENOCIDE CANADA

7 Southside Place, Unit 6

Hamilton, Ontario, L9C 7W6

Phone: (905) 385-3606 | [www.instituteforgenocide.ca](http://www.instituteforgenocide.ca)



INSTITUTE FOR THE RESEARCH OF GENOCIDE  
CANADA

---

bivšu Jugoslaviju i tako kraj međunarodne pravde, što je podstrek za nove genocide.

**VIII}** Borbom protiv negatora genocida, IGK se zapravo bori za zaštitu prava svakog čovjeka na sigurnost, dostojanstvo, stabilnost i jednakopravnost gdje god da živi i ma kojoj etničkoj, kulturnoj, religijskoj, ideološkoj ili političkoj grupi pripadao.

**IX}** IGK odbacuje sve oblike rasne diskriminacije i sve oblike prakse zasnovane na fanatizmu, držeće se načela socijalne pravde, demokratije i međuljudskog poštivanja.

Profesor Emir Ramić  
Direktor Instituta za istraživanje genocida Kanada